

Pemphero Lingakuthandizeni Kukhala pa Ubwenzi ndi Mulungu (Gawo 2)

Zoti muchitezi zachokera m'mutu 17 wa buku lakuti *Kodi Baibulo Limaphunzitsa Chiyani Kwenikweni?* lomwe likupezeka pa jw.org/ny.

ZIMENE MUYENERA KUCHITA: Ganizirani mofatsa zimene mumakhulupirira komanso chifukwa chake mumazikhulupirira, fufuzani zimene Baibulo limaphunzitsa, komanso onani mmene mungafotokozere zimene mumakhulupirira kwa anthu ena.



KODI TIYENERA KUPEMPHERA MOTANI?

1 GANIZIRANI MOFATSA ZIMENE MUMAKHULUPIRIRA

Kodi anthu ena anganene chiyani?

Kodi **inuyo** mumakhulupirira zotani?

N'chifukwa chiyani mumazikhulupirira?

2

FUFUZANI ZIMENE BAIBULO LIMAPHUNZITSA

Tiyenera kupemphera kwa Yehova Mulungu kudzera mwa Mwana wake, Yesu Khristu, pa chilichonse chimene ndi chogwirizana ndi chifuniro cha Mulungu.
(Onani mutu 17 m'buku la *Baibulo Limaphunzitsa Chiyani*, ndime 9-12.)

Werengani Mateyu 6:9 ndi Yohane 14:6.

Kodi mavesi amenewa akusonyeza bwanji kuti tiyenera kupemphera kwa Yehova yekha komanso kudzera mwa Yesu?

Werengani 1 Yohane 5:14.

Kodi ndi zinthu monga ziti zimene 'tingapemphe mogwirizana ndi chifuniro [cha Mulungu]'? (Zokuthandizani: Werengani Mateyu 6:9-13; Akolose 4:12; Yakobo 1:5.)



Yehova safuna kuti tizichita kumupempheratu kuti nthawi inayake tikufuna kuyankhula naye, ngati mmene anthu otchuka amachitira. Tikhoza kupemphera kwa iye nthawi ina iliyonse

Tiyenera kupemphera mosalekeza komanso mochokera pansu pa mtima.

(Onani mutu 17 m'buku la *Baibulo Limaphunzitsa Chiyani*, ndime 13-15.)

Werengani Mateyu 26:41 ndi 1 Atesalonika 5:17.

Kodi mavesi amenewa akusonyeza bwanji kuti Yehova satiikira malire a kutalika kwa mapemphero athu, komanso kuchuluka kwa nthawi zimene tiyenera kupemphera?

Werengani 1 Mbiri 16:36 ndi 1 Akorinto 14:16.

Kodi chinthu chofunika kutchula pamapeto pa pemphero lililonse n'chiyani?

Kodi ndi zinthu ziti zimene **inuyo** mungapempherere mlungu uno?

3

FOTOKOZANI ZIMENE MUMAKHULUPIRIRA

WINA AKANENA KUTI...

Palibe vuto kupemphera kwa Yesu komanso kwa oyera mtima.

MUNGANENE KUTI...

Atsogoleri ambiri achipembedzo amaphunzitsadi zimenezo. Koma ineyo ndimakhulupirira zosiyana ndi zimenezo chifukwa...

Kodi ndi lemba liti limene mungamuwerengere munthuyo?

Poganizira zimene munthuyo amakhulupirira, kodi mungalifotokoze bwanji lembalo?

WINA AKANENA KUTI...

N'kulakwa kupempherera zinthu zimene munthu ukufuna.

MUNGANENE KUTI...

Anthu ena amaganizadi choncho. Koma ndimakhulupirira kuti Baibulo limanena zosiyana ndi zimenezo chifukwa...

Kodi ndi lemba liti limene mungamuwerengere munthuyo?

Poganizira zimene munthuyo amakhulupirira, kodi mungalifotokoze bwanji lembalo?
